

四庫全書

經部

欽定四庫全書

經部

詩集傳名物鈔卷四

詳校官監察御史臣孫家賢

通政使司副使臣莫瞻菴覆勘

總校官進士臣繆珙

校對官編修臣汪鏞

謄錄監生臣王錦

欽定四庫全書

詩集傳名物鈔卷四

元 許謙 撰

秦一之十一

九

傳○鄭譜及疏秦者隴西谷名漢地理志隴西秦亭
秦谷是也鳥鼠與秦谷俱在隴西故云近爾雅鳥
鼠同穴其鳥為駘其鼠為鼯駘大吾反鼯徒忽反
○伯翳佐禹治水土舜命作虞官掌上下草木鳥
獸賜姓曰嬴秦本紀秦之先帝顓頊之苗裔孫曰

女修生大業大業生大費是為伯翳地理志秦
之先曰伯益又云嬴伯益之後則伯翳伯益聲
轉字異猶一人也○大費生大廉玄孫曰孟戲
中衍為殷太戊御後世遂為諸侯其玄孫曰中
滴保西邠生蜚廉子惡來革子女防子防皐子
大几子大駱生成及非子成為大駱後周孝王
封非子為附庸邑之秦子秦侯立卒子公伯立
卒子秦仲立厲王無道西戎反王室滅大駱族

宣王以仲為大夫誅西戎死之王立其子莊公
為西垂大夫居犬丘卒子襄公立西戎與申侯
弑幽王襄公將兵救周送平王徙維邕王封為
諸侯於是始國與諸侯通使遂有岐豐之地卒
子文公立卒孫寧公立卒三父廢太子武公而
立其弟出子後三父復殺出子而立武公卒弟
德公立初居維城中音仲滴古穴反
以上並譜及疏○
汧輕煙反地理志汧水出扶風汧縣西北入渭

○疏初洛邑與宗周通封畿東西長南北短相覆為千里本紀賜襄公岐以西地文公以岐東獻之周鄭言得八百里地是全得西畿春秋之時秦境東至河本紀之言不可信○雍今扶風雍縣○地理考異犬丘在汧渭之間即槐里是也

也

以上並疏

車鄰

秦

國人誇美秦君

經○一章寺釋文如字又音恃○二章毛氏陂者曰

坂下濕曰隴陂音坡○詩緝地里志隴西郡有隴
抵師古云隴抵謂隴阪即今之隴山此郡在隴之
西故曰隴西三秦記其阪九回不知高幾許欲上
者七日乃越高處東望秦川然則阪固秦地所有
也抵丁計反又音底○詩紀既見君子並坐鼓瑟
簡易相親之俗也今者不樂逝者其耄悲壯感嘆
之氣也秦之強以此而止於為秦者亦以此○吳
正傳逝者謂自此以往○三章爾雅楊蒲柳注左

傳所謂董澤之蒲疏生澤中可為箭筈埤雅楊有
黃白青赤四種白楊葉圓青楊葉長赤楊霜降則
葉赤材理亦赤黃楊性堅緻難長筈古旱谷我二
反緻直利反難長之長知丈反

並坐鼓瑟鼓簧君臣之際禮儀等威猶未能辨
蓋其習於夷狄之常也故見寺人之令則驚異
而誇之矣然告其君者則止曰不樂則耄而止
耳有盈滿之心無警戒之意作詩者未為知義

之君子也其流風日甚至於始皇窮奢極欲宮
觀相屬鍾鼓充之其漸蓋始於此而其尊君卑
臣亢抑太甚遂使上下之情不通而致敗則又
等威無辨之弊而力反之以至於甚也秦之亡
未必盡因車鄰之一詩然君子立言不可不審
也

傳○一章詩緝鄰鄰密比之意言車之衆○疏天官
內小臣與寺人別官言寺人內小臣者謂寺人是

在內細小之臣非謂寺人即是內小臣之官也燕
禮諸侯之禮也云獻左右正與內小臣是諸侯有
內小臣也左傳齊寺人貂晉寺人披是諸侯有寺
人也○二章䟽易注耄年踰七十左傳注七十曰
耄愚謂自七十至八十皆可言耄

駟驥

秦

二國人美秦君

經○一章驥釋文又吐結反

此但以君所乘車而言四馬一色君車之選也

媚子公之御者也六轡在手在其手也公曰左之命此人也舍拔則獲君射之善又以見御之良也詠其辭意則車馬侍從之盛不言而可見矣

傳○一章猷與觶同古穴反見小戎傳○二章毛氏冬獻狼夏獻麋春秋獻鹿豕羣獸䟽田獵是虞人所掌獸人所獻之獸以供膳毛引獸人以證之也愚案䟽言如此故傳以之類兩字例之而不仍毛

質言之也又案天官獸人春秋獻獸物今毛云鹿
豕羣獸不知何據周禮注疏狼膏聚聚則溫故冬
獻麋膏散散則涼故夏獻春秋寒溫適凡獸皆可
獻也及狐狸○射獸射必之射皆食亦反中陟仲
反○六御當為五御逐禽詳見小雅車攻○為去
聲

小戎

三秦

婦人誇西征車甲之盛及思其良人

經○卒章鏤音漏

傳○一章疏考工記國馬之輶深四尺有七寸注馬
高八尺兵車乘車輶崇三尺有三寸加軫與轂七
寸又并此輶深則衡高八尺七寸除馬之高餘七
寸為衡頸之間是輶在衡上故頸間七寸也愚案
考工記又曰六尺有六寸之輪輶崇三尺有三寸
也加軫與轂馬四尺也注疏此車之高者也輶是
軸頭處輪之中央轂伏兔也蓋四馬車一轅車軸
上有伏兔尾後上載車軫軫始有車輿則軸去地

三尺三寸上又兼伏兔及軫并七寸車輿去地總四尺也詩記輶前駕於服馬之衡上其後則乘前軫直逼後軫也軾音卜○左氏傳定九年齊伐晉夷儀王猛曰我先登東郭書斂甲曰曩者之難今又難焉猛曰吾從子如驂之靳疏靳當冒之皮驂馬之首當服馬之冒冒上有靳釋文本或作有靳者非靳居覲反○詩緝陰以板橫側置車之前及左右三面○金銀銅鐵鉛總謂之金謂消白金未

必皆白銀也○䟽左傳哀二年郵無恤曰兩鞞將
絕吾能止之駕而乘材兩鞞皆絕是橫軌之前別
有騂馬一鞞也○輻音福○䟽色青黑名騂馬名
為騂知其色作綦文○二章䟽盾以木為之○三
章鞞與閑同䟽儀禮既反記說明器之弓云有鞞
今案禮本作秘蓋與鞞通

蒹葭

秦四

不知所指 異

經○詩記此詩全篇皆比所謂伊人猶曰所謂此理

也○三章毛氏涑厓也

蒹葭蒼蒼而白露為霜矣人無百年而良時已
邁矣所謂伊人惟在水一方爾所謂至道豈遠
吾身哉但邈迴從之則道阻而且長用私智求
之則理鑿而且迂獨邈游從之則宛在水中央
也惟以樂易公平之心求之則無所往而非道
也人其可不思日月之易邁而迪知大道以至
其極乎此或非詩人之本意亦學者之一義也

傳○一章詩緝小者曰蒹中者曰萑大者曰葭三物
共十一名蒹水草一名蘼荻似萑而細高數尺牛
食之令肥彊又曰今人以為蘼荻因此得名是蒹
蘼荻一物而三名也初生為蒹長大為蘼成則名
萑又名為離是一物而四名也初生為葭長大為
蘆成則名葦又名華亦一物而四名也郭璞云蒹
似葦而小又云蒹似萑而細是蒹小於萑而萑小
於葦也韻會莢中赤始生末黑黑已而赤故謂之

莢其根旁行牽揉槃互其行無辨而又彊故又謂
之亂江東呼為鳥藍至秋堅成謂之萑其初生三
月中其心挺出本大如箸上銳而細揚州人謂之
馬尾葭蘆皆葦之未秀者葦則大葭也其華遇風
則吹揚如雪聚地如絮萑音完蘆音廉莢吐敢反
亂五患反藍音丘○二章爾雅小渚曰汙小汙曰
坻○三章直音值

終南

秦

國人美其君

經○一章梅見召南標有梅

傳○一章李氏終南西距鳳翔武功北距萬年長安

○毛氏錦衣采色也狐裘朝廷之服䟽錦者雜綵
為文故云綵衣白狐皮為裘其上加錦衣為裼又
加皮弁服也玉藻注君衣狐白毛之裘則以素錦
為衣覆之使可裼也袒而有衣曰裼必覆之者裘
褻也凡裼衣上衣象裘色裘是狐白則上服亦白
皮弁服以白布為之衣之白者唯皮弁服耳玉藻

又云錦衣狐裘諸侯之服也。謂在天子之朝服此耳。受天子之賜歸則服之以告廟。於後不服其視朝受聘則服麕裘也。○箋渥丹言赤而澤也。○漬疾賜反。○二章䟽黻在裳言黻衣者衣大名與繡裳異其文耳。○刺七亦反。

黃鳥秦哀三良

經○左氏傳釋文車音居鍼其廉反○惴之瑞反○地理攷異括地志秦穆公冢在岐州雍縣東南二

里三良冢在雍縣一里故城內今鳳翔府大興縣也

傳○一章賀音茂殉辭順反穆公卒以三良殉事見左氏傳文六年○題下以遺之遺于醉反從死之從才用反與羊茹反

晨風秦七婦人念其君子 異

經○二章櫟見唐鵠羽苞桐注

傳○一章疏鷗似鷗青黃色燕頷勾喙嚮風搖翅乃

因風飛急疾擊鳩鵲燕雀食之鷗張連反勾音鉤
鵠音閣○虞以冉反屢戈支反戶局也風俗通百
里奚為秦相所貸斡婦自陳能歌呼之援琴無弦
而歌曰百里奚五羊皮始別時烹伏雌炊麋今
富貴忘我為問之乃其妻也伏扶富反○二章疏
駁獸名似馬白身黑尾此駁木名梓榆也樹皮青
白駁犖遙視似駁馬雀豹古今注山中有木葉似
豫章皮多癰駁名六駁○三章疏木有唐棣常棣

傳必以為唐棣未詳聞也赤羅今楊樾又名山梨
鹿梨鼠梨實亦有大如梨之美者○酢七故反

無衣

秦

八秦人樂攻戰 異

經○此蓋天子命襄公討西戎時詩王于興師一語
可見

先王之制民居於近郊者五家為比五比為閭
四閭為族五族為黨五黨為州五州為鄉居遠
郊者則有鄰里鄼鄙縣遂而家之數如鄉之數

使之相保相受救其凶災而賙其不足其在野
則八家同井使之友助扶持有事則會萬民為
卒伍而用之平居暇日情意之孚恩愛之接固
已彼此交得懽心一旦同在戰陣盡識面貌夜
記聲音而左提右挈協心力戰可以揚威而制
勝不幸而敗亦爭相為死此王者之兵所以無
敵也秦舊周也先王遺化猶有存者其曰豈曰
無衣與子同袍者相賙之意也修我戈矛與子

同仇者相死之心也但秦不善用之一導之以武事而不知以禮故敦厚之風化為剛暴之氣而遂至於不可禁也此詩之作君子知其有漸矣鄼子管反調音周○西戎乃秦人不共戴天之讎而又有王命興師是以同心疾之謳吟思鬪雖其風俗所致然以義動者人樂為之死亦必然之理也

傳○一章䟽玉藻續為襦緼為袍注緼謂今續及舊

絮然則純著新絲為襴雜用舊絮為袍其制度則
一故云袍襴也襴古典反緼於粉反○詩記曲禮
疏戈鉤予戟也如戟而橫安刃但頭不嚮戟上為
鉤也直刃長八寸橫刃長六寸刃下接柄處長四
寸並廣二寸周禮冬官戈秘六尺有六寸注云秘
猶柄也予居列反秘音祕○疏考工記酋矛常有
四尺注八尺曰尋倍尋曰常常有四尺是二丈也
夷矛則三尋長二丈四尺○二章澤即禪蓋古字

通也說文釋絢也絢即袴○題下招音喬舉也朝
音潮易以致反

渭陽

秦

康公送舅

傳○一章䟽雍在渭南水北曰陽晉在秦東行必渡

渭郡縣志京兆府咸陽縣本秦舊縣渭水南去縣

三里秦咸陽在今縣東二十二里○周禮巾車金

路以封同姓象路以封異姓革路以封四衛木路

以封蕃國皆諸侯也故人君之車曰路車○二章

疏瓊者玉之美名非玉名也瑰是美石之名瓊毛

氏韻赤玉○題下左氏傳及史記晉獻公侂諸娶

于賈無子

賈姬姓國

烝於齊姜

武公妾

生秦穆夫人太子

申生又娶大戎狐姬生重耳

大戎唐叔子孫別在戎狄者

小戎

子生夷吾

允姓之戎子女也

伐驪戎驪戎男女以驪姬

姬姓

男爵

生奚齊其娣生卓子驪姬嬖欲立其子十一年

諸使太子居曲沃重耳居蒲城夷吾居屈羣公子

皆鄙二十一年驪姬使太子祭齊姜歸胙于公姬

毒而獻之太子緄重耳夷吾皆出奔獻公使荀息
傅奚齊二十六年獻公卒奚齊立大夫里克殺之
荀息立卓子里克又殺之齊桓公秦穆公納夷吾
是為惠公元年殺里克許賂秦伯而不與六年秦
伐晉獲晉君既而歸之八年太子圉質於秦十三
年逃歸十四年惠公卒子懷公圉立初重耳之出
也至狄又過衛齊曹宋鄭楚楚送諸秦秦伯納女
五人懷公立之明年秦伯納重耳是為文公僖音

啓重平聲女以之女去聲子金子申生既是世子

則齊姜當是元妃左氏所載或失其實○左氏傳

文六年晉襄公卒靈公少晉人以難故欲立長君

公子雍仕秦

襄公庶弟

趙孟使先蔑逆之

趙孟趙盾

七年秦

康公送公子雍於晉穆嬴日抱太子啼於朝

穆嬴襄公

夫人太子夷

宣子患穆嬴

宣子即趙孟

乃背先蔑立靈

臯即靈公

公以禦秦師敗之于令狐八年秦人伐晉取武城

以報令狐之役十年春晉伐秦取少梁夏秦伐晉

取北徵十二年秦伐晉取羈馬晉人禦之秦師夜

遁宣元年晉侵崇

秦與國

二年秦伐晉圍焦皆因令

狐之後而相侵伐之不已也令音零

權輿

秦

十 君待賢者有始無終

傳○一章詩緝造衡自權始造車自輿始○二章疏

簋是瓦器亦以木為之圓曰簋內方外圓也以盛

黍稷方曰簠內圓外方也以貯稻粱皆容一斗二

升公食大夫禮是國君與聘客禮食故宰夫設黍

稷六簋今惟四簋蓋謂之每食則燕食耳非禮食也○題下者與嗜同為去聲鉗巨廉反強上聲

秦詩譜

愚案秦仲立為附庸之君十八年宣王命為大

夫二十三年死於戍子莊公立

襄公追稱公

四十四

年卒子襄公立七年救周有功為諸侯於是始

國與諸侯通使十二年卒子文公立五十年卒

孫寧公立十二年卒三父立少子出子六年三

父弑之而立寧公之太子武公二十年卒弟德
公立二年卒子宣公立十二年卒弟成公立四
年卒弟穆公任好立三十九年卒子康公營立
十二年卒十二君二百三十六年詩十篇可譜
者七篇權輿恐康公以後詩也

車鄰

駟驥

小戎

終南

無衣

右襄五詩車鄰序以為秦仲愚竊謂秦仲

固嘗為附庸之君以西戎滅大駱之族宣
王命為大夫蓋日與戎戰六年而死非可
樂時也詩語不類然則車鄰實襄公詩爾

渭陽

右穆一詩康公為太子時作正穆世也

黃鳥

右康一詩三良殉穆則詩作於康世

陳一之十二

變十

傳○外方見王風孟諸前編在應天府虞城縣西北
○虞闕父至封陳見左氏傳襄二十五年○闕於
葛反父匪武反大音泰妻七計反○樂記武王封
黃帝之後於薊封帝堯之後於祝史記封黃帝之
後於祝帝堯之後於薊通鑑外紀從樂記蘇子由
古史及皇王大紀鄭漁仲通志諸書多從史記薊
音計○䟽恪者敬也王者敬先代封其後三恪尊
於諸侯卑於二王之後○好呼報反樂魚教反覲

胡狄反男曰覲女曰巫

宛丘

陳

一刺歌舞無度

傳○一章思息字反樂音洛○二章疏吳揚人謂之
白鷺齊謂之舂鉏頭上長毛長尺餘毵毵然與衆
毛異好欲取魚時則弭之楚威王時有朱鷺合沓
飛翔而來舞然赤者少此所持其白羽也毵蘇含
反○詩記冬夏祁寒大暑之時也人之好樂於是
時必少息焉今也無冬無夏則它時可知矣○三

章䟽離九三鼓缶而歌則是樂器坎六四樽酒簋
貳用缶注云大臣以王命出會諸侯主國尊於簋
副設玄酒以缶則又是酒器左傳襄九年宋災具
綆缶則又是汲水之器然則缶可以節樂若今擊
甌又可以盛水盛酒即今之瓦盆也

東門之枌

陳二

男女相樂

經○一章枌見唐鵠羽

傳○一章枌見唐山有樞○著陟畧及○䟽婆娑盤

辟舞詩記婆婆不必是舞但徘徊翱翔之義○二章疏善旦謂無陰雲風雨○三章芘芣音毗浮疏一曰蚍蜉小草多華少葉葉又翹起似蕪菁華紫綠色可食微苦○遺去聲

衡門

陳三

隱居自樂

異

經○二章魴見周南汝墳○三章本草鯉魚脊中鱗一道數至尾無大小並三十六鱗有赤鯉白鯉黃鯉三種

前一章有自足之意後兩二無外慕之心此雖賦體而實似比也

傳○一章考工記門阿注棟也䟽屋脊○爾雅門側之傍堂謂之塾注夾門堂顧命䟽塾門內北面○考工記門堂注門側之堂引爾雅門側之堂謂之塾則堂即塾也今又案屋之基亦曰堂大誥弗肯堂注不肯為堂基如周禮堂崇三尺堂崇一筵禮記天子之堂九尺史記坐不垂堂皆指堂基而言

也今傳上既有塾字則堂字作基說為長○說文
宇屋邊即屋四垂也

衡門之詩隱士所作阿塾堂字傳因疏文之舊
亦大約言門之深者有是名也命士之堂三尺
庶人蓋無級門之制豈復若是巍巍哉然則衡
門固隱士之常爾

泌泉水也毛傳文疏邨有泌彼泉水知泌為泉詩
緝泌彼泉水乃泌然流出貌毛以此泌與彼泌字

異義同亦當為泉水之流貌非謂泌為泉水也

東門之池

陳四

男女會遇 異

傳○一章漬疾賜反○晤毛氏遇也箋猶對也○解
下介反○三章韌而振反䟽管似茅而滑澤無毛
根下五寸中有白粉者柔韌宜為索漚乃尤善

東門之揚

陳五

男女期會不至 異

傳○一章啓明見小雅大東傳○二章肺釋文普貝
蒲貝二反

墓門

陳

刺無良

異

經○二章鴝于驕反

傳○二章疏鴝一名鵬與梟一名鷗陸璣云大如斑
鳩綠色惡聲之鳥也入人家凶賈誼所賦鵬鳥是
也其肉甚美可為羹臠又可為炙詩緝鴝怪鷗也
鵬也鵠鷗也即瞻印之為梟為鷗也或曰鵬似鴝
則鴝又非鵬矣梟古公反臠音壑鷗鷗音休留

序○春秋桓六年秋八月蔡人殺陳佗左氏傳陳侯

鮑卒文公子佗殺太子免而代之蔡人殺五父而

立厲公

五父陳佗也

免音問父音甫

防有鵲巢

陳七

男女有私憂間 異

傳○一章䟽茗饒也幽州謂之翹饒蔓生○迂居望

反間居諫反○二章䟽瓠一名甍郭璞甍甍也

瓠音零甍都歷反甍音鹿

月出

陳八

男女相悅而相念 異

經○詩緝皎月光皎潔皓月光之白興佼好之人明

豔白晳如月之初出而皎潔神女賦其少進也皎
若明月舒其光正用此詩記照月光之被物慘言
不舒而幽愁此詩用字贅牙意者其方言歟

株林

陳九

刺靈公淫夏姬

傳○一章寰宇記陳州西華縣西南三十里有夏亭
城城北五里有株林郡縣志宋州柘城縣本陳之
株邑故柘城在寧陵縣南七十里○疏微舒字子
南以字配氏謂之夏南徵陟陵反○靈公名平國

共公子○題下案左氏傳史記靈公十四年公與其大夫孔寧儀行父通於夏姬皆衷其袒服以戲于朝洩冶諫曰公卿宣淫民無效焉公告二子二子請殺洩冶公弗禁遂殺之十五年公與二子飲於夏氏謂行父曰微舒似汝對曰亦似君微舒怒公出自其廐射而殺之二子奔楚微舒自立為陳侯明年楚莊王伐陳殺微舒立靈公子午是為成公父方武反袒汝栗反婦人近身內衣射食亦反

○御魚巨反

澤陂

陳十

男女相念

經○輾轉見周南關雎傳

月出男子思婦人也澤陂婦人思男子也

傳○陳國下錯七故反重平聲復方六反

陳詩譜

陳詩十篇惟知株林為靈公之詩餘不知何世

靈公者胡公之十八世也靈公十五年弑當周

定王之八年魯宣公之十年

檜一之十三

變十

傳○左氏傳顓頊氏有子曰犂為祝融楚語顓頊命

南正重司天以屬神火正黎司地以屬民

火當北

記楚世家帝顓頊高陽生稱稱生卷章

世本名老童

卷

章生重黎

重黎二人司馬誤合

為帝嚳高辛火正甚有功能

光融天下帝嚳命曰祝融

祝大融明也

共工氏作亂帝

使祝融誅之而不盡帝乃誅重黎而以其弟吳回

居火正為祝融

吳回亦
卷章生

吳回生陸終陸終子六人

其四曰會人詩䟽此即檜之祖也妘姓檜本祝融所封之墟唯妘姓之後處其地妘音云稱尺證反

○外方見王風○前編滎波孔氏以為一水周禮職方其川滎雒其浸波澨則二水也沛水入河而南出溢為滎今鄭州滎澤是其處爾雅水出自洛為波而山海經曰婁涿之山波水出其陰北流注于穀二說未知孰是西漢末沛水不復南溢而滎

涸榮音榮嗟音詐涕子禮反○家說公羊傳桓十
一年古者鄭國處于晉先鄭伯有善於鄆公者通
乎夫人乃取其國而遷鄭焉鄭語桓公光寄帑於
虢鄆周語鄆由叔妘注鄭武公滅之則通乎叔妘
者武公也○鄆滅又見鄭譜○為于偽反

愚案檜風急迫褊陋鄭風放蕩淫邪蘇氏之說
恐未然也以詩之次言之魏列晉前其意似邶
鄆之於衛鄭檜相去遠恐亦不得為此例

羔裘

一檜

國君好潔衣服遊宴不彊政治

經

羔裘狐裘國君所得服非奢也然羔裘以視朝可也而以逍遙翱翔狐裘朝天子可也而以自朝其羣臣則固已失禮之正矣而又不能彊於政治惟服其服尸其位而已觀如膏有曜之言則實有好潔衣服之僻大夫見其暗弱必又諫而不從故曰我豈不於是而思之然知其終不

可格君之心惟心勞而憂忉忉耳久則憂而至
於傷又久則不可形之於言惟中心自傷悼耳
傳○一章詩緝狐裘有白有青有黃玉藻云君衣狐
白裘錦衣以裼之此狐白裘也又云君子狐青裘
貉褱玄綃衣以裼之此狐青裘也又云狐裘黃衣
以裼之此狐黃裘也鄭氏以狐白之上加皮弁服
天子以日視朝侯在天子之朝亦服之以黃衣狐
裘為大蜡之後作息民之祭則服之郊特牲云黃

衣黃冠而祭息田夫也引此為證以狐青為臣下之服諸侯不服之玉藻稱君子狐青裘注以君子為大夫士也此詩狐裘不言其色鄭氏以為黃衣狐裘謂檜君以祭服而朝也蘇氏以為狐白謂檜君以朝天子之服而聽其國之朝也二說不同狐青為臣下之服非檜君所服檜君好潔其衣服亦必不服狐黃當從蘇氏以為狐白○卒章漬疾賜

反

素冠

檜二

思見三年之喪

經

舉世不能行三年之喪有人獨能行之君子以
絕無而僅見故悲且喜而作此詩也一章三句
皆言服喪之人謂今我庶幾見此服素冠者蓋
不特衣冠之合度抑且急於哀戚而顏容瘦瘠
其心哀苦而憂勞二三章首句復言其服下二
句則君子之自言也心傷悲心蘊結悲其盡哀

也與同歸與如一喜其盡禮也上言勞心下言我心故所指有彼此之異

傳○一章縞古老反紃並移反則冠之冠去聲○禫徒感反除服祭名儀禮中月而禫注中猶間也與大祥間一月自喪至此凡二十七月禫之言澹澹然平安意疏二十七月禫徙月樂二十八月復平常正作樂也間間廁之間去聲○三章韞見曹侯人○韞分物反○題下疏肖似也不有所似謂愚

人也檀弓云子夏既除喪而見夫子予之琴和之而不和彈之而不成聲作而曰哀未忘也先王制禮而弗敢過也子張既除喪而見予之琴和之而和彈之而成聲作而曰先王制禮不敢不至焉彼說子夏之行與此正反必有一誤或當父母異時也毛公當有所據今案劉向說苑亦載此事與毛傳同但以子路為子貢然夫子之於門人未有稱其字者恐毛公所傳或誤爾○為于偽反衰倉回

反見賢遍反援于元反衍苦旦反夫三之夫音扶

隰有萋楚

檜三

民苦政賦不如草木異

傳○一章䟽爾雅萋楚一名鉞弋本草一名羊桃陸

璣葉長而狹華紫赤色其枝莖弱過一尺引蔓于

草上鉞音遙○少詩照反○二章累良偽反

匪風

檜四

賢人嘆周室衰

傳○二章飄符遙反類隔切今易並遙反釋文又必

遙反○䟽迴風旋風也○三章說文驚大金一曰

鼎大上小下若甌曰鬲

曹一之十四

變十

傳○鄭譜曹在濟陰定陶夾於魯衛之間疏曹都在
濟陰其地則踰濟北魯在其東南衛在其西北○
前編陶丘在今曹州定陶縣雷夏今濮州雷澤縣
西北雷夏陂東西二十里南北十五里計古雷澤
必大於今荷澤在今曹州濟陰縣南三里

蜉蝣

曹

一刺見近忘遠

經○子金子君子念夫人雖不知久遠之計而亦知所以自修故心之憂之而欲其以我為歸也蓋君子之於人無不欲其入於善苟有一毫自治之心固君子之所欲進之也

傳○一章䟽蜉蝣聚生糞土中似甲蟲有角大如指長三四寸甲下有翅能飛夏月陰雨時地中出豬好噉之去吉反蜣去王反○爾雅注身狹而長有角傳當加有字○三章掘閱䟽此蟲土裏化生言

其掘地而出形容鮮閎也閎者悅懌之意朱子不取
詩緝更閱謂升騰變化也

候人

曹

二刺君近小人

經○一章戈見秦無衣

傳○一章䟽夏官候人上士六人下士十有二人史

六人徒百有二十人則諸侯候人亦應是士而徒
數必少其職各掌其方之道治與其禁令以設候
人注禁令備姦寇也設候人者選士卒以為之有

四方來者則致之于朝歸則送之于竟荷戈兵防衛姦寇○爰見衛伯兮○䟽玉藻韠之制下廣二尺上廣一尺長三尺其頸五寸肩革帶博二寸祭服謂之芾它服謂之韠緼赤黃之間色所謂韠也珩佩玉之珩黑謂之黝青謂之蔥周禮公侯伯之卿三命下大夫再命上士一命曹為伯爵大夫再命是大夫以上皆服赤芾於法又得乘軒故連言之軒大夫之車也緼音溫韠音妹黝於九反○晉

文公入曹事在左氏傳僖二十八年○僖負羈曹
賢大夫○二章鷓音鳥一作誇疏今鷓鴣也好羣
飛入水食魚形似鷓而極大喙長尺餘直而廣口
中正赤頷下胡大如數升囊若小澤中有魚便羣
共杼水滿其胡而棄之令水竭乃共食魚鷓音胡
杼丈吕反○詩緝鷓鴣當入水中食魚今乃在魚
梁之上竊人之魚以食未嘗濡濕其翼如小人居
高位竊祿不稱其服也○三章稱尺證反

鳴鳩

曹

美君子用心均一異

傳○一章結戛吉二音鞠音菊爾雅作鵽鳩又名獲

穀陸璣又名擊穀又名桑鳩或謂之肩題齊人名

擊正案戴勝自生穴中不巢生而方言云戴勝非

詩緝凡十一名○子金子如結言心不放○二章

疏玉藻雜帶君朱綠大夫玄華士緇辟是有雜色

飾焉弁類多矣韋弁以即戎冠弁以從禽弁經以

弔凶不得與絲帶相配唯皮弁是視朝常服

下泉

曹四

思治

經○詩記匪風下泉雖皆思周道之詩然匪風作於東遷之前此一時也下泉作於齊桓之後又一時也

泉固以潤物也然必於春夏之時乃能發生至於寒則不適於用而徒以浸彼稂蕭蒼草而又傷之耳於以見王澤不下流而所被之政非澤也所以寤而即嘆以念先王之治寤嘆則見其

憂思之極嘆之不已惟寐則已爾卒章則先王之政也

傳○卒章左氏傳注解縣西北有郇城服虔曰郇國在解縣東○題下復扶又反間居覓反治去聲

曹詩譜

曹叔振鐸至共公八十五世而有候人詩其言與左氏傳合餘三詩莫知其世

幽一之十五

變十
三

詩記幽居風雅之間何也風之所為終而雅之所
為始也變風終於曹思明王賢伯之不可得於是
次之以幽反之於周公而後至於鹿鳴言周之所
以盛者由周公也○周世次見周南○子金子公
劉之遷幽也史謂周道之興自此則國語所謂十
五王而文始平之者自公劉數之爾不然則以有
德之宗數之猶殷言賢聖之君六七漢言七制之主
也讀篤公劉之雅可想見公劉度地建國和輯人

民之規焉讀七月之詩可想見幽民因天力本孝
慈忠愛之俗焉漢儒舊序以篤公劉為召康公之
所獻以幽七月為周公之所陳意者幽之遺詩歟
召公獻之以備燕享之樂使成王知立國勤勞之
故周公陳之以為矇工之誦使成王知故國衣食
之原故篤公劉列於雅而幽七月自為風蓋自三
聖相授其禮樂聲教之盛漸被四海后稷於此有
邠家室子孫皆有令德其後雖當夏道衰微一再

轉徙而修其訓典奕世載德加以公劉之賢生聚
再繁邦家再盛故國人叙其建立之規道其風土
歌謠之美吹之管籥和以土鼓周人世守之以為
其先公之樂至有天下而亦專官掌之周官籥章
之職掌土鼓豳籥是也土鼓葦籥皆堯之遺音也
而豳籥則公劉之遺音也豳籥所歛之詩則豳詩
豳雅豳頌也豳詩七月之詩也豳頌雖不知其的
為何詩而篤公劉之篇豈非豳雅之詩歟或者顧

謂公劉之時夏道將墜國介戎狄之間計無文物
篤公劉七月之詩蓋出周召之筆追述先公之事
爾是獨不思夏當三聖之後義理素明言語素雅
其文章最盛但載籍失其傳耳其存者與其雜見
傳記者可想見也豈至周召之時而後始有如此
之文哉且周詩固有追述先公之事者然皆明著
其為後人之辭生民之詩述后稷之事也而終之
曰以迄于今緜之詩述古公之事也而係之以文

王之事此皆後人之作也若篤公劉之詩極道罔
阜佩服物用里居之詳七月之詩上至天文氣候
下至草木昆蟲其聲音名物圖畫所不能及安有
去之七百歲而言情狀物如此之詳若身親見之
者又其末無一語為追述之意吾是以知其決為
幽之舊詩也況史氏已明言詩人歌樂思其德乎
雖然七月為幽之舊詩固也何以不居二南之前
而居變風之末歟曰詩皆采之當世而前世之詩

存者不可泯也故豳七月附於十五國風之後猶
商那附於三頌之末也七月既非周公之所自作
何以係周公諸詩曰豳周公之采邑也周公食邑
於豳岐之間以其為周之舊邑故曰周公然周既
為一代有天下之號則周公之詩不可謂之周而
謂之豳焉豳詩既周公之所陳故凡周公之所作
與為周公而作者皆附之然則公劉為雅七月獨
不可為雅歟曰風雅固各有體也○音並見周南

七月幽周公陳戒成王

經○一章詩緝畝大抵以南為正故每曰南畝○五章為于偽反○六章毛氏春酒凍醪也疏凍時釀之即酒正三酒中清酒也詩記月令注古者穫稻而漬米麴至春而為酒○毛氏眉壽豪眉也疏人年老者必有豪眉秀出詩緝眉壽衰矣養氣體焉以助之也○斷絕之之義當音短○七章索索洛反○卒章沖直弓反○兕觥見周南卷耳

凡事豫則立七月之詩豫而已矣有天下國家者豫其所當豫則無有不善矣○詩中以日言者雖為建子之義其實主於陽而言然止於四之日者春日載陽春日遲遲即辰月也蠶事必在季春故也建巳為正陽之月不曰六之日而曰四月者蓋陰陽之生皆以漸夏至一陰生非生於夏至之日謂至夏至之日而成一陰也其始實自小滿之日六陽已極而微陰萌兆馴致

而成故君子探其理於建巳惟以月言之也

傳○一章放甫兩反篇內同下去聲○晉天文志東方心三星天王正位也中星曰明堂天子位前星為太子後星為庶子子金子堯典仲夏火中月令則季夏昏心中季冬曉心中故周家有火中寒暑乃退之說謂季夏火昏中暑極而退季冬火曉中寒極而退也豳公之詩上距堯未遠歲差不多故七月之昏則亦見火之西下矣○釋文耜耒下耜

也廣五寸耒耜上句木也耜古以木為之易曰斲
木為耜揉木為耒亦以金為之周禮注古者耜一
金兩人併發之耒他丁反耒盧對反句音鉤○長知
丈反○甫田箋田畯司嗇今之嗇夫也韻會詩詁
云周禮無田畯之職蓋六遂中鄰里鄙縣遂之長
高者為大夫卑者為士通稱田畯蓋農田之俊也
○瞽矇見綱領○周禮注疏諷誦謂間讀之不依
琴瑟而詠也○二章倉庚見周南葛覃○穉直利

反○繫見召南采芣○啖音淡遠于願反○三章
萑葦見秦蒹葭○䟽斨即斧也唯釜孔異耳隋狹
而長也釜斧斤受柄處也隋徒禾湯果二反釜曲
容反○䟽春秋伯趙氏司至伯趙鵲也以夏至來
冬至去陳思王惡鳥論云伯勞以五月鳴應陰氣
之動陰為殘賊蓋賊害之鳥也其聲鵲鵲故以其
音名云詩緝月令仲夏鵲始鳴蓋至七月則鳴之
極而將去矣○毛云朱深纁也○祭服玄衣纁裳

○四章箋物成自秀蔓始詩緝曹氏曰釋草蔓繞
棘菀注云今遠志也其上謂之小草說文云劉向
說蔓味苦謂之苦蔓本草遠志又有棘菀繞蔓細
草三名四月采根葉陰乾參訂諸說知蔓為遠志
矣四月陽氣極於上而微陰已受胎於下蔓感之
而早秀案嚴粲蔓毛不指為何草鄭疑為王荳蔭
璣亦無明說唯曹氏以為遠志證據甚明荑音婦
○詩緝蜩蟬也諸蟬之總名釋蟲云蜩蜋蜩蟬蜩

郭璞引夏小正云蜺蜺者五色具蜺蜺者蜺俗呼
為胡蟬故爾雅䟽蜺者目諸蟬也蜺音郎蜺音唐
蜺音偃○說文草木皮葉落墮地為穉○䟽于往
也于貉言往不言取狐狸言取不言往皆是往捕
之而取其皮故毛言于貉謂取狐狸皮并明取之
意也今案爾雅狸狐貉貉醜是四物同類也又別
條䟽字林云貉似狐善睡其子名貉詳此則貉與
狐狸非一物傳以為一物未詳貉音湍貉即貉字

𧈧音喧○五章爾雅蜚螽蟥注䟽所謂春黍也
幽州謂之春箕蝗類也長而青長角長股股鳴者
也或謂似蝗而小斑黑其股似玳瑁五月中以兩
股相切作聲聞數十步詩緝舊說以為即螽斯者
非蜚音斯螽蟥音嵩須○䟽爾雅𧈧天雞謂小蟲
黑身赤頭一名莎雞一名酸雞又曰樗雞陸璣如
蝗而斑色毛翅數重其翅正赤六月中飛而振羽
索索作聲幽州謂之蒲錯今絡緯蟲是也𧈧音翰

○李氏考工記以股鳴者以翼鳴者以股鳴者斯
螽是也以翼鳴者莎雞是也○蟋蟀見唐蟋蟀箋
在野至入牀下皆謂蟋蟀也言三物如此者將寒
有漸非卒來也○疏簾戶以荊竹織門以荊竹通
風故泥之○愚案穹窒兩句四事皆治室之事塞
向以禦北方之寒氣瑾戶以禦南方之寒氣謂之
穹窒則南牖亦或塞之矣○六章疏鬱唐棣之類
樹高五六尺實大如李正赤食之甜本草一名雀

李一名車下李。蓂蓂亦鬱類而小。別晉宮閣銘云：華林園中有車下李三百一十四株。蓂李一株。車下李即鬱蓂。李即蓂。二者相類而同時熟，故言鬱蓂也。蓂於盈於耕二反。○詩記葵承露也。大莖小葉，華紫黃色，可茹。公儀休所拔是也。埤雅有紫白二種。○小宛疏菽大豆也。采其葉以為藿。以芼牛，謂以鼎煮牛，取其骨體置之於俎，其汁則芼之以藿，調以五味，乃盛之於鉶。謂之鉶羹。鉶音刑。○釀

女亮反○詩記壺枯者可為壺嫩者可供茹蔬甘
瓠可食就蔓斷取而食之李氏壺性蔓生斬之故
曰斷○茶見邶谷風○少式照反長知丈反○七
章結音戛說文禾藁去皮○稻稌也性宜水即今
南方所食稻也稌音杜又音土又通都反秣音述
糯也又稷之黏者苽音孤韻會雕苽也亦作雕胡
即枚乘所謂安胡之飯今所食茭苗米也梁粟也
○愚案麥非納於十月也此蓋總言農事畢爾○卒

章左氏傳昭四年其藏冰也深山窮谷固陰沍寒於是乎取之注沍閉也必取積陰之冰所以道達其氣使不為災道去聲○䟽沖沖非貌非聲故云鑿冰之意○天官凌人掌冰正歲十二月令斬冰注正謂夏正正歲季冬○禮注獻羔祭司寒也○著直略反○左氏傳食肉之祿冰皆與焉大夫命婦喪浴用冰又曰自命夫命婦至於老疾無不受冰冬無愆陽至民不夭札皆左氏傳文注食肉之

祿謂在朝廷治其職事就官食者命婦大夫妻也
老致仕在家者愆過也愆陽謂冬溫伏陰謂夏寒
苦雨霖雨為人所患苦厲惡氣也短折為夭夭死
為札與音預札側八反○變悉協反○儀禮鄉飲
酒禮尊兩壺于房戶間士冠禮注置酒曰尊今傳
云兩尊壺恐傳寫之誤○詩記豳之先公國容未
備無君臣之間故曰朋酒斯饗曰殺羔羊躋彼公
堂萬壽無疆○題下中音仲歛即吹字

鴟鴞

二

周公遺成王

經○前編武王崩成王立年十三周公位冢宰正百
工成王元年三叔流言於國曰公將不利於孺子
周公乃告二公曰我之弗辟我無以告我先王於
是辭位出巡狩於邊鄭康成曰周公遭流言之難
避之而居東都朱子謂弗避之說宜從鄭氏蓋是
時三叔方流言於國周公處兄弟骨肉之間豈應
以語言之故遽興師以誅之聖人氣象大不如此

且王方疑公公固不應不請而自誅之若請之於
王王亦未必見從當時事勢亦未必然也前編又
曰周公居東二年則罪人斯得孔氏以居東為東
征非也斯得者遲之之辭也朱子曰管蔡流言成
王疑之未知罪人之為誰也及周公居東二年成
王悟乃知罪人在管蔡也若曰所謂罪人者今得
之矣或問居東二年非東征乎朱子曰成王方疑
周公周公豈得即東征乎二年猶待罪也成王三

年周公為詩以貽王名之曰鷓鴣後王感風雷之
變迎周公反國三監及淮夷叛周公乃作大誥東
征誅管叔殺武庚放蔡叔寧淮夷東土三年而後
定○子金子七月之詩周公遭變時所陳也夫成
王方有疑於周公公方避位居東而顧為是諄諄
幾於強聒者嗟乎此周公忠愛之誠也夫豈以居
東而遂忘其君也哉然亦惟居東故可以忠告爾
向使居中秉國則成王益深不利之疑雖吐赤心

其孰能信之聖人所處其脫然無累之心與其拳
拳不已之心並行不悖也于後公乃為詩貽王名
曰鷓鴣則鷓鴣最後作也成王之疑亦將釋矣鷓
鴣之詩其情危其辭急蓋有以憂武庚之必反王
室之必搖也夫昔也武庚以周公利權間三叔而
今也奄君又以周公見疑嗾武庚則躑躅之變勢
所必至故周公汲汲為成王言之為鳥言以自喻
或以喻先王也曰鷓鴣鷓鴣既取我子謂其已誘

管蔡也毋毀我室謂其勿更搖毀王室也恩斯勤斯鬻子之閔斯傷管蔡也二章言先王創業之備固也今此下民孰敢侮予微管蔡之內叛武庚之外連則固未易侮也三章言先王之勤勞也四章言王室之孤危外患之必至其辭不得不急也既而成王悟周公歸而管蔡武庚卒於叛蓋其參謀造禍非一日矣○鴟于驕反○徹字釋文無音韻會徹字在徹字下作敕列反者有剝訓則詩中徹

彼當作敕列反

愚案傳以鷗鴉之詩為誅武庚後作益以周公居東為東征也其原皆因金縢我之弗辟之辟讀為致辟管叔之辟故其說如此亦朱子早年之說也及後與蔡仲默論書手帖則曰弗辟之說只從鄭氏為是向董叔重辨此一時信筆荅之謂當從古注說後來思之不然今書說悉已改定而詩傳乃若此者未及改也若從避音而

以前說求詩則聖人之心與當時事勢之實皆可見矣然又知讀書者於字音訓詁不可不致謹也一字之誤遂至義理懸絕如此其可視為小學之事而忽之哉○此詩大意前二章主武庚而言後二章言已勤勞以告成王也首章謂武庚既誘管蔡流言而失君臣之義兄弟之親為周家之罪人所謂取我子也次章言周室經營亦已鞏固汝武庚者毋徒起覬望之心三章

自言自武王以來至成王初年盡力經營之勞
苦末章謂盡瘁事國乃未足以定天下室翹翹
謂我家管蔡之內亂也風雨飄搖言武庚之外
撓也則我其能不鳴之急與所以感悟成王也
傳○一章鷓鴣即陳墓門之鴉也鷓鴣音休留攬俱
縛反爪持也撲取也○二章繆莫侯反紐音今易
莫彪反○三章䟽萑萑亂之秀穗也亂見秦蒹葭
萑戶官反萑徒彫反亂魚患反○藉慈夜反○四

章殺所界反

東山

幽三

周公勞歸士

經○三章洒所解反埽素報反

舊說周公東征誅管蔡歸而作朱子謂成王感風雷之變而迎周公於是周公東征三年矣歸作此詩子金子曰周公出避東居而歸其民周公邑采之民東征乃東行非東伐也若異日東征之事成王為主天子之六師設有勞歸之詩

則當為雅而不在幽風矣愚詳味詞意恐果東
伐歸後之詩其證有三東征之後固成王親行
而傳謂周公伐奄三年討其君是周公亦行矣
其期正與于今三年相應一也誅管蔡伐奄蓋
嘗有戰陣之勞矣居東未嘗戰而此曰勿士行
枚二也先儒謂三代雖改正朔而月數未嘗易
然則詩書以月言者皆夏正之月也多方稱五
月丁亥王來自奄至于宗周古者師行日三十

里則行役歸途在三四月間也成王迎周公乃在秋熟未穫之時詩稱十月穫稻則周公歸在九月間也而東山草木蟲鳥皆夏月氣象三也若成王主兵勞詩不當在豳風則當時以周公之作倒附之七月諸詩亦未可知也況風雅音節各有不同乎朱子嘗言之矣但周公居東有二自流言之行公則避而居東二年有風雷之變而迎公以歸然後作大誥東征三年而歸此

詩則作於東征而歸之時也

傳○一章惱釋文吐刀反○說文濛微兩○士事毛
傳文非鄭氏○行戶郎反陳直刃反○箸從竹遲
據反今俗作筯繡周禮釋文胡卦胡麥二反或音
卦微也○勞去聲蓋為之為于偽反○二章䟽枯
樓一名天瓜葉如瓜葉形兩兩相值蔓延青黑色
六月華七月實如瓜瓣○䟽鼠婦一名委黍在壁
根下甕底土中生似白魚○䟽蠨蛸一名長跖小

蜘蛛長脚者俗呼為喜子此蟲來著人衣當有親
客至有喜躋音欺脚也○詩記町疇廬傍畦壠為
麋鹿之場又曰區種法伊尹作為區田一畝之中地
長十八丈作十五町町間分十四道通人行踵為
田里所聚○三章䟽鸛雀似鶴而大長頸赤喙白
身黑尾翅又有負釜黑尻背竈皐裙四名埤雅鸛
知天將雨俯鳴則陰仰則晴尻苦高反○䟽蚍蜉
大螳也小者即名螳此蟲穴處輦土為塚以避溼

虬音毗蜉扶牛反蝥宜倚反濕失入反○詩記有陰
雨之候則婦思念其勞而悲嘆蓋行者於陰雨尤苦
而念之切也我征聿至謂我之行者其遂至也婦人
灑掃以待夫之至顧見苦瓜繫於栗薪因感其夫
久匏繫於外嘆曰自我不見于今三年矣○四章
倉庚見周南葛覃○疏馬色有黃處有白處曰皇
有駢處有白處曰駮駮音留赤色也○禕許韋反
幌巾也衿其鳩反繫佩帶士昏禮母施衿結幌曰

勉之敬之夙夜無違宮事○題下思息字反望女
之女音汝勞苦勞詩之勞皆去聲鞏古勇反固也

破斧

幽四

軍士荅周公勞已異

經○語錄破斧詩看聖人這般心下詩人直是形容
得出這是荅東山之詩古人做事苟利國家雖殺
身為之而不辭如今人箇箇計較利害看你四國
何如不安也得不寧也得只是護了我折我斧莫
待缺壞了又曰周公東征四國是皇見得周公用

心始得

傳○一章隋徒禾湯果二反登曲容反義見七月○
勞已勞之之勞皆去聲被去聲○詩緝詩人言兵
器必曰弓矢干戈矛戟無專言斧斨錡錄者斧雖
兵器所用而以斨並言乃幽民所用以采桑者又
錡為鑿屬錄為木屬以類言之知皆非兵器矣周
公奉王命以討罪有征無戰又遲之三年不為急
攻之計未嘗從事於戰陣惟行師有除道樵蘇之

事斧斨之用為多歷時之久則必弊故此詩言管
蔡之亂何能為哉但能破我斧缺我斨而已其兵
器元無損也舊說破斧缺斨為戰陣殺戮之多至
於如此且東山序謂一章言其完孔氏云東征無
戰陣然則破斧缺斨非為戰也周公提王師以臨
小醜若用其兵力一鼓滅之何待三年乎觀尚書
所載周公之化商勤拳懇惻如父兄之愛其子弟
真所謂哀我人斯也苟殺戮之多至於破斧缺斨

則是與之血戰而僅勝之亦疲弊甚矣故血流漂
杵孟子所不信揮刀紛紜韓氏之陋也○語錄陳
淳問被堅執銳疑是麤人如何謂聖人之徒曰不
是聖人之徒便是賊徒有麤底聖人之徒亦有讀
書識理底盜賊之徒○二三章疏鑿屬曰錡木屬
曰錄未見其文亦不知其狀釋文錄一解云今之
獨頭斧○題下間去聲

伐柯

幽

東人喜見周公

異

經

伐柯非難事也然必須斧娶妻亦非難事也然
必須媒東人之於周公被其風而化其德思慕
之極瞻之固若在前也然而貴賤之殊道里之
遠亦未易見也故其企望如此及其因事而東
則幸而得見故喜之而如二章之所言也子金
子舊說謂諷成王當使人通周公之意亦通

傳○一章䟽考工記柯長三尺博三寸厚一寸有半

五分其長以其一為之首注首六寸謂今剛關頭
斧柯其柄也疏漢時斧近刃皆以剛鐵為之又以
柄關孔○二章爾雅疏豆以木為之高一尺口足
徑一尺其足名鐙中央直豎者名校校徑二寸黑
漆飾朱中大夫以上畫以雲氣諸侯以象天子以
玉皆飾其口也其實四升用薦菹醢籩以竹為之
亦受四升口有藤緣形制如豆盛棗栗桃梅菱芡
脯脩膾鮑糗餌之屬鐙音登菹臻魚反膾呵姑反

腊也糗去久反餌仍吏反○士昏禮親迎之日初
昏陳三鼎實特豚合升舉肺脊二祭肺二魚十有
四兔腊一婦至布席于室中夫席在東向婦席
西向皆設醬菹醢載牲體魚腊于俎而設之及黍
稷湆壻揖婦即對筵皆坐祭薦黍稷肺贊爾黍授
肺脊皆食以湆醬祭舉食舉三飯卒食酌醕然後
用盞鼎三者升豚魚腊也特猶一也合升合左右
胖升於鼎舉肺脊者食時所先舉下文凡言
舉者同每皆二者夫婦各一月湆肉汁爾後也
移置席上醕以酒潔口盞破飽為二各用一迎

魚覲反音泣。𩇑音謹。此為同牢之禮。約禮經注。
大略言之。

九罍

六

東人願周公留異

經○語錄九罍詩分明是東人願其東故致願留之
意公歸豈無所於汝但暫寓信處耳公歸將不復
來於汝但暫寓信宿耳是以有袞衣兮是以二字
如今都不說蓋本謂緣公暫至於此是以此間有
被袞衣之人無以我公歸兮無使我心悲兮其為

東人願留之詩豈不甚明白止緣序有刺朝廷不知之句故後之說詩者悉委曲附會費多少辭語到底鶻突某嘗謂死後千百年須有人知此意自看來直是盡見得聖人之心又曰寬厚溫柔詩教也若如今人說九罇詩乃責其君之辭何處討寬厚溫柔之意

傳○一章爾雅疏九罇謂魚之所入有九囊詩緝毛以為小網諸家或以為大網郭璞言有百囊網則

九囊者不得為大又有不及九囊者則九囊亦不
為甚小蓋常網也○鰾音混爾雅翼鰾魚目中赤
色一道橫貫瞳魚之美者食螺蚌多獨行見網輒
避○魴見周南汝墳○雌位柚壘三音卷音袞九
章之義龍取其變山取其鎮華蟲取其文火取其
明宗廟之彛取其孝彛之所以畫虎雌者以其義
與智也藻取其潔粉米取其養黼取其斷黻取其
辨

狼跋

七

美周公

經○語錄狼跋其胡載寔其尾此語是反說亦有些
意義公孫碩膚如言幸金營及北狩之意言公之
被毀非四國之流言乃公自遜此大美耳此古人
善於辭命處又曰魯昭公分明是為季氏所逐春
秋却書云公孫于齊如其自出云耳是此意又曰
狼性不能平行每行首尾一俯一仰首至地則尾
舉向上胡舉向上則尾寔至地故曰狼跋其胡載

其尾孫蘇困反

傳○一章寔丁四反類隔切今易陟利反○䟽跋前行曰躡跲卻頓曰寔說文云跋躡丁千反跲躡竹二反躡即寔也然則跋與寔皆是顛倒之類以跋為躡者謂跋其胡而倒躡耳老狼有胡謂頷下垂胡進則躡其胡謂躡胡而前倒也退則跲其尾謂卻頓而倒於尾上也○詩緝狼猛健之獸雖善用兵者禦之亦不能免平時不至跋寔其老者雖項

下垂胡若在平地亦無跋之之理所言跋胡彘尾者謂其落機穽之時進退求脫不能耳○路極業反○詩記鄭氏屨人注王烏有三等赤烏為上冕服之烏詩云王錫韓侯玄衮赤烏則諸侯與王同複下曰烏○又曰几人所憑以為安故几几安也○被去聲○二章聞音問

豳篇下周禮注田祖始耕田者謂神農也田畯古之先教田者○禮記郊特牲天子大蜡八歲十二月

合聚萬物而索饗之也主先嗇而祭司嗇饗農及
郵表畷禽獸迎貓迎虎祭坊與水庸注䟽所祭八
神先嗇一司嗇二農三郵表畷四貓虎五坊六水
庸七昆蟲八所祭之神合聚萬物而索饗之但以
此八神為主十二月周之正數建亥之月也先嗇
若神農者司嗇后稷是也農田畷也郵表畷是田
畷於井間所舍之處郵若郵亭屋宇處所表田畔
畷謂井畔相連畷於此田畔相連畷之所造此郵

舍田畷處焉禽獸下文貓虎之外但有助田除害者悉包之坊者所以畜水亦以鄣水庸者溝也所以受水亦以泄水昆蟲螟螽之屬○周禮息老物鄭氏曰萬物助天成歲事至此為其老而勞乃祀而老息之蜡仕嫁反邇有周反啜知劣知衛二反坊音房○鄭氏於二章下曰是謂豳風六章以介眉壽下曰是謂豳雅八章下曰是謂豳頌疏凡繫水土之風氣謂之風女心傷悲是民之風故知是

幽風雅者正也王者設教以正民作酒養老是美
政故知穫稻為酒是幽雅頌者美盛德之形容成
功之事男女功畢無饑寒憂置酒稱慶是功成之
事故知朋酒斯饗萬壽無疆是謂幽頌

幽雅頌說
見前此但

存舊○劉株劣反割聚又都括反

幽詩次序

七月

幽國舊詩周公遭變居東時所陳

伐柯

東人喜見周公

狼跋

周公居東詩人美之

鷓鴣

周公居東二年而遺王

九罍

周公將歸東人願留

東山

周公東征歸而勞士

破斧

軍士答周公

十五國風一百六十詩

正風二十五詩

周南十一詩 召南十四詩

變風一百三十五詩

邶十九詩

鄘十詩

衛十詩

王十詩

鄭二十一詩

齊十一詩

魏七詩

唐十二詩

秦十詩

陳十詩

檜四詩

曹四詩

幽變之正七詩

正詩

正之正二十三

周南十一

關雎

葛覃

卷耳

樛木

蟋蟀

桃夭

兔置

采芣

漢廣

汝墳

麟之趾

召南十二

鵲巢

采芣

草蟲

采蘋

甘棠

羔羊

殷其雷

標有梅

小星

江有汜
何彼穠矣
騶虞

正之變二

召南二

行露
野有死麕

變詩

變之正七十二

邶十四

柏舟
綠衣
燕燕

日月

終風

凱風

雄雉

匏有苦葉

式微

旄丘

簡兮

泉水

北門

北風

鄘六

柏舟

定之方中

蝦蟇

相鼠

干旄

載馳

衛七

淇奥

考槃

碩人

竹竿

芄蘭

河廣

伯兮

王四

黍離

君子于役

君子陽陽

大車

鄭四

緇衣

羔裘

女曰雞鳴

出其東門

齊二

雞鳴

甫田

魏四

葛屨

汾沮如

陟岵

伐檀

唐八

蟋蟀

山有樞

綢繆

扶杜

鵠羽

有扶之杜

葛生

采苓

秦九

車鄰

四驥

小戎

蒹葭

終南

晨風

無衣

渭陽

權輿

陳一

衡門

檜三

羔裘

素冠

匪風

曹三

蜉蝣

鳴鳩

下泉

豳七

七月

鷓鴣

東山

破斧

伐柯

九罍

狼跋

變之變六十三

邶五

擊鼓

谷風

靜女

新臺

二子乘舟

鄘四

牆有茨

君子偕老

桑中

鶉之奔奔

衛三

氓

有狐

木瓜

王六

揚之水

中谷有雝

兔爰

葛藟

采葛

丘中有麻

鄭十七

將仲子

叔于田

大叔于田

清人

遵大路

有女同車

山有扶蘇

蓍兮

狡童

褰裳

丰

東門之蟬

風雨

子衿

揚之水

野有蔓草

溱洧

齊九

還

著

東方之日

東方未明

南山

虞令

敝笱

載驅

猗嗟

魏三

園有桃

十畝之間

碩鼠

唐四

揚之水

椒聊

羔裘

無衣

秦一

黃鳥

陳九

宛丘

東門之枌

東門之池

東門之楊

墓門

防有鵲巢

月出

株林

澤陂

檜

隰有長楚

曹

候人

詩集傳名物鈔卷四